

Marcos Bislip Jr. a cumpli 43 aña den radio difucion na Aruba



Ayera dia 8 di november, e conocido locutor Marcos Bislip Jr. ta cumpli 43 aña den radio difucion aki na Aruba.

Sr. Marcos Bislip Jr. mester a pasa tres luna di preparacion profesional di radio y tambe mester a pasa un test di voz den cual hopi no ta pas'e exitosamente. Sr. Marcos Bislip Jr. ta un personal di radio cu a pasa su testnan y ta certifica for di locutor, operador, audio-editor, productor, presentador, director di programa, reportero, director di noticia, dunador di noticia den tres idioma; Papiamentu, Hulandes, Ingles y Spaño, coordinador di noticia y periodista na radio y tambe moderador di programanan special.

Sr. Marcos Bislip Jr. a traha na Radio Antilliana 1270 AM, Radio Carina 98.9 FM, Canal 90FM, Voz di Aruba 1320 AM, GFM 99.9 Galactica y TOP FM 95.1. Marcos Bislip Jr. a prepara Ivo Yanes, Joan Geerman y Gina Tromp Maduro cu despues Gina y Joan a bira su coleganan na Radio Antilliana 1270 AM. Na 1987 Marcos Bislip Jr. ta sali mihor locutor hubenil y presentador di programa den radio difucion di Aruba. Tambe Marcos Bislip Jr. a sali un di e mihor locutor y djnan hubenil di Antias Hulandes na 1983. Marcos Bislip Jr. ta record holder local di e programa den radio difucion den oranan di marduga pa mainta na Radio Carina FM y Canal 90 FM 5 aña y 5 luna. Mientras cu Marcos Bislip Jr. tin e record di anochi na radio, record holder local pa presenta dos programa Hit Express y Romantic Paradise pa 15 Aña consecutivo como boluntario y na 2019 e dos programanan ta bay over pa TOP FM 95.1 y tin e record di 15 aña ano-

chi na radio.

Na 1999, Marcos Bislip Jr. a traha na TOP FM 95.1 caba como coordinador di noticia principal di merdia y tambe atardi. Tambe Sr. Marcos Bislip Jr. a yega di presenta programa na TOP FM 95.1 na 1999 pa 2000 anochi na radio. Na 2019 dia 15 di april Sr. Marcos Bislip Jr. ta bolbe bek na TOP FM 95.1 despues di 20 aña. Sr. Marcos Bislip Jr. ta tur anochi despues di 10'or di anochi na TOP FM 95.1 di dialuna, diamars, diahuebs y diabierna cu Hit Express y diaranson cu Romantic Paradise.

Dialuna tin e seccion informativo Earth News topiconan di medio ambiente, salubridad, sismologia, climatologia, ciencia y tecnologia, entre otro. Diamars Astro News astronomia, cosmologia, programa y exploracionnan espacial entre otro y diahuebs Nos Insolito Mundo y Universo cosnan straño, cosnan inexplicabel, cosnan supernatural. Diabierna cu musica y ambiente di fin di siman.

Marcos ta cumpli 43 aña den radio difucion y den media 4 decada y tres aña na unda su famia y su querido tata en feliz memoria semper tabata e motor tras di Marcos su exito hunto cu su mama nan a apoya y sostene Marcos den tempo bon y malo. Marcos ta sigur cu su tata ta hopi orguyoso di su logrp. Manera semper su tata a bisa, NEVER GIVE UP.

"Danki na Dios pa a sana mi cu awe mi por ta bek cu bida y salud y un danki grandi na mi tata cu semper a yuda mi, y tambe na mi mama y famia cu a haci pa cu awe mi por a logra yega 43 aña den radio difucion na Aruba," Sr. Bislip a remarca ayera.

Cu 43 aña den radio Marcos ta yega en feliz memo-



ria su colega, amigo ruman Roberto Geerman na radio. Marcos cu e logro grandi di 43 aña den radio difucion

na Aruba ta bira un otro legendario grandi den radio na Aruba. "Gradiciendo Gerencia di TOP FM 95.1 tambe

na henter e pueblo di Aruba y oyentenan pa nan apoyo y sosten hopi danki," Sr. Bislip ta finalisa.

Aruba Bank Ta Anuncia Activacion Oficial di Sentoo pa Pago Local na Aruba

Cu un donacion na Fundacion 'Ban Uni Man Pa Cria Nos Muchanan'

Aruba Bank ta anuncia e activacion oficial di Sentoo pa pago local na Aruba. Esaki ta un colaboracion cu ta revolucionando manera con negoshinan y clientenan ta hasi transaccion a base diario.

Pa celebra e ocasion special aki, Aruba Bank a haci un donacion na fundacion 'Ban Uni Man Pa Cria Nos Muchanan,' cu ta aporta na nan pilar di "We Care, We Build", pa asina promove y duna un man na iniciativa local den nos comunidad. E gesto aki ta pone enfasis riba Aruba Bank su compromiso pa comunidad, alaves ta demostra cu e tecnologia nobo cu Sentoo ta ofrece ta facil pa uza.

Empoderando Negoshinan cu Transaccionnan mas Facil y Rapido

Negoshinan cu tin un cuenta di negoshi na Aruba Bank ta cualifica automaticamente pa pago via Sentoo. E integracion cu Sentoo ta simpel, permitiendo negoshinan pa adopta e solucionnan innovativo di pago di Sentoo rapido y facilmente: www.arubabank.com/Sentoo-For-Business. Haya sa con pa bira un negoshi usuario di Sentoo y haci uzo di e solucionnan innovativo di pago, bishita e website di Sentoo awe mes.

Mehora Experiencia di Consumidoran

Clientenan di Aruba Bank por haci uso di Sentoo, ora di paga na negoshinan cu ta parti di e programa di pago di Sentoo. Pa mas informacion, bishita www.arubabank.com/pay-with-sentoo.

Tur cliente di Aruba Bank cu haci un donacion via Sentoo di AWG 5 na Fundacion 'Ban Uni Man Pa Cria Nos Muchanan', en-



tre e periodo di november 7 – november 22, ta participa pa GANA AWG 250.-.

Bishita nos website aki www.arubabank.com/pay-with-sentoo y experiencia con facil e ta pa haci un pago via Sentoo. Alabes, bo ta contribui na un bon causa, door di yuda recauda fondo pa 'Fundacion Ban Uni Man Pa Cria Nos Muchanan'. E fundacion aki ta yuda duna desayuno na muchanan den necesidad, na scolnan di kleuter, scol primario y scol secundario.